

---

# **SO QOTO' QATAQ SO QAGUESAQ**

---



**Leandro Acosta**

**Angelino Sosa**

**Cristian Rodríguez**



**Centro Educativo Qom Saÿaten**  
*Ca ÿaÿaten ÿañoxot*

---

© **Ediciones Saÿaten**

Noviembre 2013

Bº Cichetti, J. J. Castelli, Depto. Gral.

Güemes, Chaco.e-mail

centroeducativoqom@hotmail.com

Pers. Jur. Nº 2932 Decreto 669/11

Todos los derechos reservados. Ninguna parte de esta publicación puede ser reproducida, conservada en un sistema reproductor o transmitirse en cualquier formato por cualquier medio electrónico, mecánico, fotocopia, grabación o cualquier otro, sin previa autorización del editor.



**NA'AQTAXANAXAC MAYE ŸA'AXAT DA LATAXAC ANA**  
**NERE**

NE'ENA NA'AQTAXANAXAC QAQ HUAÑA NACHE ISHET DA QOMI' DA'AQTAXAANEMA NATAI' SHIGUIŸACPI QATAQ NA MAŸOPI, DA HUO'O NA ILA'AGUET NACHE NCHOXOORA'T, MAICHE NTAUNA'T QAQ MAYE ŸAQTO' QAICA CA CAMACHAQCA ÑETAI' 'OONOLEC. QOMI' IUEN DA SANAQ CA QANA'ACHEC, CHA'AYE ANA NERE TAŸAUGA NA ÑAQPIOLEC, QAQ HUOTAIQUE DA NQUIC DA LAUATTONAXANAXAC NATAI'MAYEPI.



**NAUA QARA'AQTAQA  
HUO'OI NAUA NAIGUILO**

## ASO HUALLQUIAXAI QATAQ ASO TAQAQ

SO 'IPIAXAIC NQAÑOXOTTAÑE MAYE HUOTAIQUE  
ŶOIQUEN ÑI SHIGUIŶAC, DA ŸALAUAT HUO'OTAQ  
IQU'E MAQCET QAQ ÑETAI'MAYE QAICA CA HUOTAIQUE  
MAYE NETALEC ANA 'ALHUA.

HUO'O SO NA'AQ QOŶOIQUEETAC AÑE HUALLQUIAXAI,  
AÑETAI'MAYE QAICA CA NAQUITAXAC QALAXAYE HUO'O  
ASOTAI' TAQAQ NACHE DALAXANEC SOM DOICNAXATAC  
ŶA'ALAQ ASOMAYE 'EETA':

¡TAQAQ!... ¡TAQAQ!... SA NME DA LA'ALAXAC.




QALAXAYE ASO HUALLQUIAXAI SAISHER DA ŸALAXAGUET  
ASO TAQAQ...

QAICAP 'AM PEGUERAI, QAICAP 'AM PEGUERAI.

QALAXAYE SO QAŶAŶEN AÑE HUALLQUIAXAI QALAXAYE  
ILA'A DA QANPE'EN, QAICA CA LŶA IUATA'A, NACHE  
NASONAXASOM TANGUI YE NE'ETAXAT NACHE SAQ  
NNOXOSHEGUEM.


ASO TAQAQ HUAŶOSHEGUEM CA'AI YE HUETA'A MAYE  
LLICHIGUI DA LAUEL NACHE ŸE'EGUELAXA YE HUETA'A  
ASO NAUOCHAXAUA HUALLQUIAXAI, ASOMAYE  
NTOOTEGUEC ASO NAUOCHAXAUA TAQAQ CHA'AYE  
NQUIC DA NACHAALATAKAC.



## SOUA SHIŶAXA'U QATAQ ASO ÑIIMSHI

HUO'OI SOUA SHIŶAXA'U MAYE NE'EPTA'PE QUETRAIGUI  
YE AVIAQ LTA'ARAIC, SOUA SHIŶAXA'U HUO'O SO  
YACHIGUIÑI MAYE ILOTAIQUE YE NA'AQ, QALAQ SOTAI'  
SHIGUIŶACOLEC LE'ENAXAT DA ÑI'IMSHI.


SOUAMAYE NA'AQTAXAATEGA'T DA ISHET DA  
ŶE'EGUELAXA YE LANATAQA' MAYE CHEGOQTRA'A  
QALAXAYE SOM LŶA 'EETA' DAM LA'AQTAC:



QOLAQTO'OT NA LOIGUE NA TALA.

NACHE SOUA 'IPIAXAIQA 'OONOLEC QO'OLLAXA SO  
ILAXAAMA ASO HUALLQUIAXAI, QAQ SOUA SHIŶAXA'U  
NCOLAXAJIÑI HUAÑA NACHE QOŶOIQUEN ASO  
HUALLQUIAXAI.


NATAQA'EN SOUA 'IPIAXAIQA ŸAÑOXO'T DA ŸACHIGUIÑI  
ASO HUALLQUIAXAI.



## **QOTO' QATAQ SO QAGUESAQ**

SOTAI'MAYE ŸAGUEC NA LAQUIP, SOTAI' QAGUESAQ  
TAÑA SO LA'AUAXAC CHA'AYE HUOTAIQUE DA NÝOM NA  
'ETAXAT;

SOTAI' QAGUESAQ NÝOMTAC NACHE ILAMQASOM NACHE  
ŸE'EGUENAXAN SO 'ETAXAT, HUAÑA QO'OLLAXA  
QAŸALLETA'A NACHE SO QOTO' ŸALLETA'A NACHE  
ŸAGUEC DA LHUOGOXO.



NACHE SO QOTO' HUENOTEEC QO'OLLAXA HUETAGUI ASO  
LCOUÉ ASO 'EPAQ, ŸASOUAXATO' SOTAI' QAGUESAQ  
ŸE'EGUENAXAATAC SOTAI' LA'AUAXAC, SOTAI' QAGUESAQ  
HUENOJEC SO QOTO' NACHE NCA'ALAXATEEC

HU'O SO 'IPIAXAIC NA MAŸOPI SOMAYE HUA'AUTA DA  
NAŸAMAXATTEGUIÑE                    ŸAQATAXAATAI'                    ASO

LO'OGOXONAQTE DA HUOTAIQUE ŸALAUAT SOTAI'  
QOTO'.

SOTAI' QAGUESAQ ILA'A SO 'IPIAXAIC NACHE INAC,  
INAIGUI ASO LLA'AXA, NACHE SOTAI' QOTO' HUO'O YE  
LDAQA' DA HUAÑO.

